



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-2-40-421-2/20**

Datum: **12.10.2020. godine**

«Agencija za vodno područje rijeke Save» Sarajevo rješavajući po zahtjevu AVP Sava podnesenog putem «Sektora za realizaciju projekata» Agencije za donošenje rješenja o vodnoj saglasnosti za sanaciju dijela desne obale rijeke Bosne u naselju Ozrakovići, Grad Visoko, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

RJEŠENJE **o vodnoj saglasnosti**

1. AVP Sava kao investitoru, daje se vodna saglasnost za sanaciju dijela desne obale rijeke Bosne u dužini cca 28,0m u naselju Ozrakovići, Grad Visoko u cilju sprječavanja štetnog djelovanja voda a prema tehničkoj dokumentaciji:
 - *Elaborat «Sanacija desne obale rijeke Bosne u naselju Ozrakovići, Visoko» urađen od strane «HIGRACON» d.o.o. Sarajevo, april 2020. godine*
2. Vodna saglasnost se donosi na osnovu utvrđenog činjeničnog stanja i pregleda dostavljene tehničke dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Vodna saglasnost se donosi pod sljedećim uslovima koje treba ispuniti u toku i nakon izvođenja radova na predmetnom lokalitetu:
 - 3.1. Sve radove na sanaciji dijela desne obale rijeke Bosne u dužini cca 28,0m u naselju Ozrakovići, grad Visoko izvesti u skladu sa ovjerenom tehničkom dokumentacijom iz tačke 1. ovog Rješenja tj na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.4. Pomoćne objekte i zahvate na obalama rijeke Bosne izvesti na način da isti što manje ugrožavaju proticajni profil rijeke Bosne a nakon završetka radova, iste je potrebno ukloniti te obalu i okolni teren vratiti u prvobitno stanje.
 - 3.5. U toku izvođenja predmetnih radova na desnoj obali rijeke Bosne, otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
 - 3.7. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).
 - 3.8. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.9. Sve kolizije sa postojećim infrastrukturnim objektima (instalacije vodovoda i kanalizacije, elektro, gasovod i sl) na lokalitetu predviđenom za predmetne radove, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim infrastrukturnim objektima i isti će dati tehničke uslove za izvođenje ovih radova

4. Korisnik prava iz ove vodne saglasnosti dužan je prije početka radova na sanaciji dijela desne obale rijeke Bosne u naselju Ozrakovići, grad Visoko ispuniti sve uslove propisane urbanističkom saglasnošću broj: 03/1-19-2-178/20 od 22.09.2020. godine donesenom od strane Službe za urbanizam, stambene, geodetske poslove i katastar nekretnina Grada Visoko.
5. Ukoliko se izvođenjem predmetnih radova ili drugim aktivnostima vezanim za iste prouzrokuju štete i naruši stabilnost korita, postojećih objekata i obala vodotoka ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
6. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
7. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
8. Kada period izvođenja predmetnih radova bude tačno preciziran, Investitor (korisnik vodne saglasnosti) ostaje u obavezi najmanje sedam dana ranije obavijestiti Sportsko ribolovno društvo «Visoko» Visoko, koje je korisnik ribolovnog prava na ovom ribolovnom području, o početku izvođenja radova u koritu rijeke Bosne na predmetnoj dionici.
9. Ukoliko se prilikom izvođenja zemljanih radova pojavi višak materijala iz iskopa koji ne bude iskorišten za predmetne radove potrebno je isti odložiti na deponiju izvan vodnog dobra, a sve u skladu sa uputama korisnika ove vodne saglasnosti.
10. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
11. Po završetku predmetnih radova, potrebno je izvršiti uređenje obale i pojasa u kome su vršeni radovi te lokalitet očistiti od gradilišnog otpada.
12. Korisnik vodne saglasnosti, u saradnji sa Gradom Visoko, dužan je da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
13. Vodna saglasnost prestaje važiti istekom roka od dvije godine od dana pravosnažnosti rješenja, ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
14. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

AVP Sava kao investitor, putem «Sektora za realizaciju projekata» Agencije, je podnijela zahtjev za donošenje rješenja o vodnoj saglasnosti za sanaciju dijela desne obale rijeke Bosne u dužini cca 28,0m u naselju Ozrakovići, Grad Visoko, u cilju sprječavanja štetnog djelovanja voda a u postupku pribavljanja odobrenja za građenje.

Uz zahtjev je dostavljena sljedeća dokumentacija:

- Kopija Aktuelnog izvoda iz sudskog registra broj: 065-0-RegZ-14-002716 izdatog dana 21.04.2014. godine od strane Općinskog suda u Sarajevu,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdatog dana 11.12.2012. godine od strane Službe za statistiku za područje Kantona Sarajevo,
- Kopija Uvjerenja o poreznoj registraciji izdatog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Elaborat «Sanacija desne obale rijeke Bosne u naselju Ozrakovići, Visoko» urađen od strane «HIGRACON» d.o.o. Sarajevo, april 2020. godine,
- Kopija Rješenja o prethodnoj vodnoj saglasnosti broj: UP-I/25-1-40-350-3/20 izdatog dana 10.09.2020. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 03/-19-2-178/20 izdatog dana 22.09.2020. godine od strane Službe za urbanizam, stambene, geodetske poslove i katastar nekretnina Grada Visoko,

- Kopija Saglasnosti broj: 2609/20 za izvođenje radova na sanaciji dijela desne obale rijeke Bosne u naselju Ozrakovići, Grad Visoko izdata dana 26.09.2020. godine od strane Sportsko ribolovnog društva «Visoko» Visoko (potpisano i ovjereno od strane Hodžić Kenan - predsjednik Upravnog odbora udruženja),

U provedenom dokaznom postupku koji je prethodio donošenju ovog rješenja utvrđeno je sljedeće:

- Da je za potrebe izvođenja radova na sanaciji dijela desne obale rijeke Bosne u dužini cca 28,0m u naselju Ozrakovići, Grad Visoko, a putem pravne osobe registrovane za poslove projektovanja, izrađena dokumentacija:

Elaborat «Sanacija desne obale rijeke Bosne u naselju Ozrakovići, Visoko»

- Da je tehnička dokumentacija urađena od strane ovlaštenog projektanta «HIGRACON» d.o.o. Sarajevo, april 2020. godine.
- Tehnička dokumentacija je urađena je u skladu sa uslovima datim u Rješenju o prethodnoj vodnoj saglasnosti broj: UP-I/25-1-40-350-3/20 izdatom 10.09.2020. godine dana od strane «Agencije za vodno područje rijeke Save» Sarajevo te su u istoj priloženi opisi i nacrti uobičajeni za ovaj nivo dokumentacije (situativni prikaz projektnog rješenja za dionicu planiranih radova uređenja dijela desne obale rijeke Bosne razmjere 1:1000 i 1:100 uzdužni profil u razmjeri 1:100/100 i poprečni profili u razmjeri 1:100). Usvojen je normalni profil u skladu sa odabranim tipom obloge i postojećim stanjem obale.
- Na predmetnoj dionici je identificiran kritični lokalitet (postojeći kanalizacioni propust ispod lokalne saobraćajnice) na kojem treba izvršiti radove na osiguranju obale (adekvatnom oblogom kosine - betonske prizme, nagib kosine 1:1,5) i na adekvatan način riješiti odvodnju prikupljenih otpadnih voda.
- Predviđenim radovima na sanaciji dijela desne obale rijeke Bosne u dužini cca 28,0m u naselju Ozrakovići, Grad Visoko planirana je stabilizacija i zaštita obale od erozije i poboljšanje hidromorfoloških karakteristika obale. Rang zaštite od velikih voda nije definisan i cilj ovog zahvata je smanjenje opasnosti od poplava predmetnog lokaliteta te omogućavanje nesmetanog odvijanja saobraćaja.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od erozije, na osnovu člana 109. stav (1) tačka 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20), valjalo riješiti kao u dispozitivu ovog rješenja.

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta

Nermina Hodžić, dipl.ing.građ.

- Prilog: Ovjeren Elaborat «Sanacija desne obale rijeke Bosne u naselju Ozrakovići, Visoko», «HIGRACON» d.o.o. Sarajevo, april 2020. godine,

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- «Agencija za vodno područje rijeke Save» Sarajevo, Sektor 30 (sa prilogom)
- AVP Sava, ISV-vodna knjiga
- Sektor 40 - arhiva;
- Oglasna ploča - AVP Sava